

Vinnumarkaðsráð erindisbréf

1. gr. Stjórnsýsluleg staða

Vinnumarkaðsráð heyrir undir stjórn Vinnumálastofnunar en félagsmálaráðherra skipar formann og varaformann úr hópi þeirra sem tilnefndir hafa verið sem aðalmenn í ráðið samkv. lögum nr. 55/2006 um vinnumarkaðsaðgerðir.

Starfssvæði vinnumarkaðsráðs er umdæmi viðkomandi þjónustuskrifstofu Vinnumálastofnunar sbr. 6.gr. laga nr. 55/2006.

2. gr. Hlutverk

Hlutverk ráðsins er:

- a) að greina stöðu og þróun atvinnumála á svæðinu og gera tillögur að vinnumarkaðsúrræðum á starfssvæði ráðsins í samráði við viðkomandi þjónustuskrifstofu, til að setja í starfsáætlun Vinnumálastofnunar vegna komandi árs. Tillögurnar skulu liggja fyrir í lok nóvember á hverju líðandi starfsári.
- b) að gera tillögur að og framkvæma eftir atvikum vinnumarkaðsrannsóknir, kannanir og eða þróunarverkefni á svæðinu sem eru mikilvægar fyrir náms- og starfsráðgjöf og skipulagningu á starfsendurhæfingarárræðum.
- c) að efna til samstarfs með hagsmunaaðilum um eflingu atvinnulífs eða til að varpa betra ljósi á og upplýsa um ástand og þarfir vinnumarkaðar á starfssvæðinu.
- d) að skila inn skýrslu til stjórnar Vinnumálastofnunar í nóvember ár hvert um stöðu atvinnumála á starfssvæðinu og um árangur af vinnumarkaðsaðgerðum.
- e) að koma með ábendingar til viðeigandi stjórnvalda ríkis og sveitarfélaga og/eða fyrirtækja og stofnanna um úrræði sem geta styrkt vinnumarkaðinn á svæðinu og stuðlað að jafnvægi á milli framboðs og eftirspurnar eftir vinnuaflí.
- f) að gera tillögu að fjárhagsáætlun fyrir vinnumarkaðsúrræði, rannsóknir, kannanir, fundi og ráðstefnur sem ráðið leggur til á komandi ári á starfssvæðinu.
- g) að vinna að öðrum verkefnum eftir ákvörðun stjórnar Vinnumálastofnunar og eða félagsmálaráðherra.

3. gr. Starfshættir

- a) Vinnumarkaðsráð skal koma saman eigi sjaldnar en fjórum sinnum á ári og oftar eftir því sem þurfa þykir. Forstöðumaður viðkomandi þjónustuskrifstofu situr fundi vinnumarkaðsráðs og eftir atvikum aðrir gestir.

- b) Forstöðumenn þjónustuskrifstofa halda utan um starf vinnumarkaðsráðsins í samráði við formann og sjá um að þau fái eðlilega þjónustu s.s. um boðun funda, ritun fundargerða o.p.h. og miðla til vinnumarkaðsráðs þeim upplýsingum um starfsemi þjónustuskrifstofanna sem að gagni koma í starfi ráðsins.
- c) Forstöðumenn þjónustuskrifstofa annast framkvæmd ákvarðana vinnumarkaðsráðanna enda séu þær í samræmi við þá stefnu sem mótuð hefur verið.
- d) Forstöðumenn bera ábyrgð gagnvart Vinnumálastofnun á að vinnumarkaðsúrræði séu í samræmi við samþykkta fjárhagsáætlun hverju sinni.
- e) Formaður vinnumarkaðsráðsins og eftir atvikum aðrir ráðsmenn skulu fylgja eftir gangvart þjónustuskrifstofum að ákvarðanir þeirra séu framkvæmdar.

4. gr.
Greiðslur til ráðsmanna

Skipaðir aðalmenn í vinnumarkaðsráðum eða varamenn þeirra eftir atvikum, fá greidd laun fyrir fundarsetu fyrir hvern fund fjárhæð sem Vinnumálastofnun ákvarðar árlega. Á árinu 2007 er fjárhæðin 7.500 kr. (formaður vinnumarkaðsráðsins fær tvöfalta greiðslu). Aksturskostnaður er greiddur samkv. reglum fjármálaráðuneytisins. Uppgjör fer fram tvívar á ári.

Samþykkt á 123. fundi stjórnar Vinnumálastofnunar 16. mars 2007